

Kor SISPA dingat sentiasa berpegang teguh amalan kerja berintegriti

UB 22.11.2018 A10

Oleh YAP SIONG HAN

KOTA KINABALU: Anggota Kor Siswa Siswi Pertahanan Awam (Kor SISPA) Universiti Malaysia Sabah (UMS) diingatkan agar sentiasa berpegang teguh kepada amalan kerja yang berintegriti.

Ketua Pesuruhjaya Pertahanan Awam Malaysia Datuk Roslan Wahab berkata, amalan kerja berintegriti adalah elemen penting bagi memacu tindakan seseorang pegawai agar tidak tersasar daripada norma yang sepatutnya.

“Patuhi masa, bersikap profesional, tidak mengamalkan sikap negatif dan sentiasa memberikan komitmen kepada tugas adalah antara sifat yang perlu ada bagi menzahirkan seorang pegawai yang dinamik.

“Saya mengingatkan kepada anda semua untuk menjalankan tugas dengan amanah dan jangan sesekali terjebak



ROSLAN (kiri) dan Shahril (kanan) menyempurnakan acara pemakaian pangkat kepada salah seorang anggota Kor SISPA.

dengan gejala negatif seperti rasuah, penyalahgunaan kuasa dan sebagainya,” katanya pada Majlis Pentauliahkan Kor SISPA UMS Ke-6 di Pantai Pusat Pembangunan Luar (ODEC), malam Selasa.

Beliau berkata, para pegawai Kor SISPA yang

ditauliahkan mampu menjadi contoh teladan kepada generasi muda dalam matlamat membudayakan amalan kesukarelawanan.

Pada majlis itu, seramai 51 pegawai kadet terdiri daripada 13 lelaki dan 38 wanita telah ditauliahkan.

Hadir sama pada majlis itu ialah Pengarah Angkatan Pertahanan Awam Negeri Sabah Leftenan Kolonel Kamal Mokhtar dan Timbalan Naib Canselor (Penyelidikan dan Inovasi) merangkap Komandan Kor SISPA UMS Prof Dr Shahril Yusof.